

Faodar clann a bhios còig air no ro an 28 Gearran 2025 a chlàrachadh airson Clas 1 a' tòiseachadh san Lùnastal 2024. Bidh clàrachadh a' dol air adhart san t-seachdain a' tòiseachadh 29 Faoilleach 2024.

### Cò a' chlann a tha air an gabhail a-steach sa chiad dol a-mach dhan bhun-sgoil?

'S e a-mhàin clann aig a bheil an còigeamh co-là-breith eadar 1 Màrt 2024 agus an latha mu dheireadh dhen Ghearran 2025 a thèid a ghabhail a-steach sa chiad dol a-mach gu Clas 1 san Lùnastal 2024.

### Dè a th' ann an dàil inntrigidh?

Ma tha co-là-breith a' phàiste agaibh eadar 20 Lùnastal 2024 agus deireadh a' Ghearrain 2025 (m.e. fhathast 4 bliadhna a dh'aois air latha tòiseachaidh na sgoile san Lùnastal 2024) tha làn-chòir agaibh dàil a chur ann an inntrigeadh dhan bhun-sgoil. Ma tha sibh dhen bheachd nach eil ur pàiste deiseil airson na sgoile, bu chòir dhuibh bruidhinn ri ionad Tràth-ionnsachaidh is Cùraim-chloinne ur pàiste.

Tha tuilleadh fiosrachaidh ri fhaotainn ann an 'Guidance on being educated out-with the peer group including deferred and early entry to school' a gheibhear air-loidhne aig <http://www.highland.gov.uk/enrol>

### Cuin a chlàraicheas mi mo phàiste airson na sgoile?

Ma tha ur pàiste a' tòiseachadh san sgoil san Lùnastal 2024, bu chòir dha/dhi a bhith clàraichte aig bun-sgoil na sgìre-sgoile agaibh. Tha sinn a' moladh dhuibh am foirm air-loidhne a lònadh aig

<http://www.highland.gov.uk/enrol>

Tha làn-fiosrachadh mu mar a bu chòir clann a chlàrachadh ri lorg sna sanasan a thathar a' foillseachadh anns na pàipearan-naidheachd ionadail gach bliadhna san Faoilleach.

### Cò an sgoil a tha ionadail dhomh?

Tha sgìre-sgoile chruinn-eòlach shònraichte aig gach sgoil (ach a-mhàin sgoiltean seòrsachte agus cuid de sgoiltean tro Mheadhan na Gàidhlig) agus sa bhitheantas bidh ur pàiste a' frithealadh na bun-sgoile san sgìre-sgoile ionadail agaibh. Gheibhear mapaichean de na sgìrean-sgoile air-loidhne, agus faodaidh sibh na sgoiltean as fhasige oirbh a lorg aig [https://www.highland.gov.uk/downloads/download/678/school\\_catchment\\_maps](https://www.highland.gov.uk/downloads/download/678/school_catchment_maps)

### Am faod mi sgoil iarraidh seach an sgoil ionadail?

Faodar iarrtas àite-sgoile a chur a-steach airson àite dhan phàiste agaibh ann an sgoil eile seach an sgoil ionadail. Gheibhear fiosrachadh mu iarrtasan airson àiteachan-sgoile air an làraich-lìn. Tha e cudromach, ge-tà, gun tèid am pàiste agaibh a chlàrachadh san sgoil ionadail aige/aice fhèin mus tèid iarrtas airson àite-sgoile a dhèanamh.

Bithibh mothachail cuideachd gur ann air pàrantan a bhios dleastanas airson còmhdaile-sgoile, ma thèid iarrtas àite-sgoile a bhualeachadh.



## Dè na h-ullachaidhean a th' ann airson tòiseachadh san sgoil?

Bu chòir sgoilearan Clas 1 latha slàn nam pàistean beaga a chur seachad san sgoil bhon chiad latha de sheisean na sgoile san Lùnastal 2024.

Nì Ceannardan cinnteach, cho luath 's a ghabhas, gum bi fios aig pàrantan dè na h-ullachaidhean a tha air ðòigh.

### Ciamar a gheibh mi Taic a Bharrachd airson a' phàiste agam?

Thatar a' moladh do phàrantan a tha dhen bheachd gu bheil am pàiste aca a' cur feum air tuilleadh taic ionnsachaidh a dhol sa chiad àite gu luchd-obrach na sgoile dhan bheil am pàiste a' dol. Gheibhear tuilleadh fios bho làrach-lìn Feumalachdan Taice a Bharrachd aig Comhairle na Gàidhealtachd:

<http://www.highland.gov.uk/info/886/schools - additional support needs/> no on bhuidhinn shaor-thoileach Thriving Families (Fòn: 07514 120288) no làrach-lìn <https://www.thrivingfamilies.org.uk/>

### A bheil Còmhdhail-sgoile ri fhaotainn?

Tha cunntas iomlan air poileasaidh còmhdhalach na sgoile ri fhaighinn aig

[http://www.highland.gov.uk/info/878/schools/12/school\\_transport](http://www.highland.gov.uk/info/878/schools/12/school_transport) no gheibhear fiosrachadh le iarrtas gu Aonad Co-òrdanachaидh na Còmhdhalach.

**Ma bhios ur pàiste ion-roghnach airson còmhdhail-sgoile an-asgaidh, feumar foirm iarrtais còmhdhalach a chur a-steach gun a bhith nas anmoiche na 29 Gearran 2024.**

### Dè am Biadh Sgoile a tha air a thoirt seachad?

Tha an t-Seirbheis Sholarachaïdh a' tabhann biadh càilear anns a bheil cothromachd beathachaidh ann an àrainneachd a tha sàbhailte, rianail agus mothachail air feumalachdan sgoilearan gus am meal iad àm-lòin a tha sòisealta. Tha am biadh is an deoch uile a' coinneachadh riatanasan Achd nan Sgoiltean (Brosnachadh Slainte is Beathachaidh) (Alba) 2007. Bidh an t-Seirbheis Sholarachaïdh ag obair gu dlùth le sgoiltean gus cuideam a chur air cho cudromach 's a tha e ðòigh-beatha is ðòigh-ithe fhallain a bhrosnachadh.

Gheibhear fiosrachadh mionaideach mun t-seirbheis biadh-sgoile agus mun phoileasaidh bheathachaidh aig na ceanglaichean a leanas:

[https://www.highland.gov.uk/downloads/file/180/school\\_food\\_nutrition\\_and\\_health\\_policy](https://www.highland.gov.uk/downloads/file/180/school_food_nutrition_and_health_policy)

[https://www.highland.gov.uk/info/878/schools/9/school\\_meals](https://www.highland.gov.uk/info/878/schools/9/school_meals)

### Daithead Sònraichte airson Biadh Sgoile do Sgoilearan Tràth-ionnsachaidh is Cùraim-chloinne, Bun-sgoile is Àrd-sgoile

Ma tha feum aig a' phàiste agaibh air daithead sònraichte airson biadh-sgoile, cliogaibh air a' cheangal seo chun na làraich-lìn againn <https://www.highland.gov.uk/specialdiet> Faodaidh pàrantan/luchd-cùraim cliogadh air a' bhogsa 'iarr daithead sònraichte airson sgoilear' agus faodaidh iad a dhol air adhart gun chunntas. Leanaibh air adhart a' toirt lòn paisgte dhan leanabh agaibh gus an tèid an t-iarrtas agaibh aontachadh le Sgioba nan Daitheadan Sònraichte, a chuireas fios thugaibh gu dìreach rè ùine. Mar as trice bheir iarrtas 2 sheachdain ach math dh'fhaodte gum bi seo nas fhaide aig amannan tranga.

Nuir a thèid a chur a-steach, thèid am foirm gu Sgioba nan Daitheadan Sònraichte airson aonta. Thèid am fiosrachadh an uair sin a thoirt seachad do luchd-obrach solarachaïdh, Tràth Bhliadhnaichean agus foghlaim far a bheil sin iomchaïdh agus thèid clàr-bìdh na daitheid sònraichte a sgaoileadh cuideachd ma tha sin riatanach.

Ma tha e doirbh faighinn air-loidhne, faodaidh pàrantan/luchd-cùraim fòn a chur gu 01463 644141 agus am foirm a lionadh air a' fòn.

## **Biadh Sgoile An-asgaidh agus Cuideachadh le Aodach Sgoile**

Dèanaibh cinnteach nach eil ur teaghlaich a' call a-mach. Gheibh gach sgoilear ann an Clas 1 gu 5 biadh an-asgaidh co-dhiù ach gheibhear foirmean-tagraidh airson Cuideachadh le Aodach Sgoile bho sgoil sam bith, Ionad-Seirbheis Chomhairle na Gàidhealtachd, no bho: [https://www.highland.gov.uk/info/899/schools\\_grants\\_and\\_benefits/10/free\\_school\\_meals\\_and\\_assistance\\_with\\_clothing](https://www.highland.gov.uk/info/899/schools_grants_and_benefits/10/free_school_meals_and_assistance_with_clothing)

**Tha iarrtasan airson an ath Sheisean Sgoile (2024/25) a' fosgladh air 1 luchar 2024.**

### **Thoiribh an Aire:**

Tha làn-chòir aig Sgoilearan uile ann an Clas 1–5 air biadh-sgoile an-asgaidh is chan fheumar iarrtas a chur a-steach air a shon, ach bidh feum air iarrtas ma tha sibh ag iarraidh cur a-steach airson tabhartas aodach-sgoile.

### **Dè a th' ann an Comhairle nam Pàrant?**

Tha pàrantan uile nam buill de dh'Fhòram nam Pàrant aca – na pàrantan uile. Faodaidh Fòram nam Pàrant an uair sin co-dhùnadh gur e buidheann nas lugha de phàrantan a bhios gan riochdachadh san sgoil agus aig Seirbheis an Foghlaim agus an Ionnsachaidh. Bidh e dualtach gum bi Comhairle nam Pàrant a' dol an sàs ann an iomadh tachartas eile a leithid tachartasan sòisealta, togail airgid, is eile.

Gheibhear fiosrachadh a bharrachd mun Chomhairle Phàrant agaibh bho Cheannard na Sgoile. A bharrachd, gheibhear tuilleadh fiosrachaiddh mu Chomhairlean Phàrant air feadh na Gàidhealtachd aig:

<http://www.highlandpcp.org.uk/>

### **Ath-sgrùdadadh dhen Fiosrachadh a tha san Sgrìobhainn Seo**

San sgrìobhainn seo gheibhear am 'fiosrachadh bunaiteach' mar a tha air iarraidh le Riaghailtean Foghlaim (Fiosrachadh Sgoile is Suidheachaidh) (Alba) 2012. Tha sinn air gach oidhirp a dhèanamh gus a bhith cinnteach gu bheil am fiosrachadh ceart ach dh'fhaodadh atharrachaidhean, a bheireadh buaidh air cinnt an fiosrachaiddh, tachairt aig àm sam bith. Thathar ag ath-sgrùdadadh an fiosrachaiddh gach bliadhna agus tha an sgrìobhainn seo a' bualadh air bliadhna sgoile 2024/2025.

# OIFISEAN FOGLAIM AGUS IONNSACHAIDH SGÌREIL

## Oifis Foghlaim agus Ionnsachaidh na Sgìre a Tuath

Druim Muighe

Goillspidh

Cataibh

KW10 6TA

✉: CL.NorthAdmin@highland.gov.uk

## Oifis Foghlaim agus Ionnsachaidh na Sgìre Meadhain

Togalaichean na Siorrhachd

Inbhir Pheofharain

IV15 9QN

✉: cl.adminmid@highland.gov.uk

## Oifis Foghlaim agus Ionnsachaidh na Sgìre a Deas

Rathad Ghlinn Urchadain

Inbhir Nis

IV3 5NX

✉: carelearningadmin@highland.gov.uk

## Oifis Foghlaim agus Ionnsachaidh na Sgìre an Iar

Àrainn Fhinn

Rathad Viewfield

Port Rìgh

An t-Eilean Sgitheanach

IV51 9ES

✉: CLLochaberAdmin@highland.gov.uk

# Dà-chànanas agus Foghlam tron Ghàidhlig

Tha Foghlam tron Ghàidhlig (FtG) air a dhearrbhadh tro chleachdadh is rannsachadh mar dhòigh air dùnamh cinnteach gun ionnsaich clann Gàidhlig a bhruidhinn agus gum faigh iad na buannachdan a thig an lùib dà-chànanais aig aois òg. Tha e fosgailte do chloinn bho dhachannan Gàidhlig agus do chloinn aig nach eil Gàidhlig san dachaigh. Faodar clàrachadh gu FtG aig ère Clas 1 agus ann an cuid de shuidheachaidhean aig Clas 2, no às dèidh sin eadar sgoiltean/chlasaichean FtG. Tha Comhairle na Gàidhealtachd am measg nan ùghdarrasan ionadail as adhartaiche ann an Alba a thaobh FtG. Tha FtG a' riochdachadh an dòchais as mothà a th' againn airson crìonadh na Gàidhlig a chur am feabhas air Ghàidhealtachd, gu h-àraig ma tha taic ann tro chothroman do dh'òigridh a bhith a' cleachdadh na Gàidhlig san dachaigh agus sa choimhhearsnachd. Tha a' Chomhairle dealasach a thaobh leantainn le leasachadh FtG aig ère ro-sgoile agus ère na bun-sgoile cho math ri leudachadh a thoirt air FtG aig ère na h-àrd-sgoile. Tha buannachdan Foghlam tron Ghàidhlig agus dà-chànanais air an toirt am follais sa bhidio ùr 'Fàs Foghlaim': [www.highland.gov.uk/gaelic](http://www.highland.gov.uk/gaelic)

Tha Foghlam tron Ghàidhlig air a thabhall ann am 20 bun-sgoil air feadh sgìre na Comhairle (fiosrachadh gu h-ìseal). Tha sinn cuideachd a' sìor leasachadh ionnsachadh Gàidhlig tro Fhoghlam tron Bheurla, tro sholar prògram ionnsachadh Cànan sa Bhun-sgoil. Tha cuspairean air an teagast tron Ghàidhlig agus cùrsaichean cànan Gàidhlig, an dà chuid do dh'fhléantaich is/no luchd-ionnsachaidh, air an tabhann ann am 21 àrd-sgoil uile gu lèir. Tha am mapa Foghlaim Gàidhlig air an làrach-lìn againn: ([www.highland.gov.uk/info/878/schools/18/gaelic\\_medium\\_education](http://www.highland.gov.uk/info/878/schools/18/gaelic_medium_education)) a' toirt fiosrachadh mu sholar air fad air feadh na Gàidhealtachd. Tha sinn cuideachd a' toirt taic do phàrantan is do luchd-ionnsachaidh eile ann an coimhhearsnachdan tro shiostam co-òrdanaichte de dh'oideachadh inbheach, a' gabhail a-steach plana oideachaidh adhartach.

Ma tha sibh ag iarraidh tuilleadh fiosrachaidh mun Ghàidhlig, curibh fios gu Oifis Foghlaim agus ionnsachaidh na Sgìre agaibh no curibh post-d gu: [gaelic@highland.gov.uk](mailto:gaelic@highland.gov.uk)

Bun-Sgoil Àth Tharracail	Bun-Sgoil Inbhir Pheofharain	Bun-Sgoil Bhruaich na Muilne
Bun-Sgoil an Àth Leathainn	Bun-Sgoil Dhùn Bheagain	Bun-Sgoil Mount Pleasant
Bun-Sgoil Ghàidhlig Inbhir Nis	Bun-Sgoil Gheàrrloch	Bun-Sgoil Bhaile Ùr an t-Sliabh
Bun-Sgoil Ghàidhlig Loch Abar	Bun-Sgoil Ghlinn Urchadain	Bun-Sgoil a' Phluic
Bun-Sgoil Ghàidhlig Phort Rìgh	Bun-Sgoil Chille Mhoire	Bun-Sgoil Stafainn
Bun-Sgoil Shlèite	Bun-Sgoil Loch Carrann	Bun-Sgoil Ullapuil
Bun-Sgoil Chnoc na Creige	Bun-Sgoil Mhalaig	

